

# Yeshua un Israelita; Yeshua E Hebreo di Dios!!!

E **PODER** aki solamente ta di abo, si abo ta un **Humilde di Dios!!!**  
Asina ta: **Realisá, Komprenyé i Konfia** riba **Dios** ku abo tin E **PODER**, E **PODER** pa **Vense** e **enemigu** i su **demoñonan** (**Filipensenan 4:13**), pasobra den tur kos, abo ta mas ku **Vensedór**, dor di **Yeshua un Israelita; E Humilde di Dios** ku ta **Stima** abo. (**Romanonan 8:37**). Abo ta e **Humilde di Dios**, meskos ku **Abraham i Moises** tabata **Humilde na Dios**. Awor **Abraham i Moises** ta hòmber nan **Hebreo**. Asina tambe ta **Yeshua un Israelita; Yeshua E Hebreo di Dios!!!**

## Yeshua un Israelita; Yeshua E Hebreo di Dios!!!

Aya tabatin e **Altá di Oro** pa kima sensia i e **Arka di Aliansa**, ku tabata **tur furá ku Oro**. Den e **Arka** tabatin e **butishi di Oro** ku mana, e **bastòn di Aaron** ku a floria i e **tablanan di piedra** riba kua e **Lei di aliansa** tabata skibí. (**Hebreonan 9:4**). E ora ei mi a mira un **Nubia Blanku**. Riba e **Nubia** tabatin un **Ser ku Aparensia di hende**. Riba **Su Kabes** e tabatin un **Korona di Oro** i den **Su Man** un **machete skèrpi** (**Revelashon 14:14**).

## Yeshua un Israelita; Yeshua E Hebreo di Dios!!!

**Yeshua ta Esun** ku un **un Korona di Oro** riba **Su Kabes**. **Oro** mester wordu rafina den **Kandela** pa e bira **Puru**, pero **Yeshua ta Oro Puru di Dios** pa abo. Awendía abo por husa **Oro** komo un **abreviashon** ku ta bira **ORO!!!**

Awor kiko e abreviashon **ORO** ta nifiká pa abo?

**O** ta nifiká abo tin e kapasidat pa **Obediensa** na **Dios Tata**.

**R** ta nifiká abo tin e kapasidat pa un **Relashon** ku **Dios Tata**.

**O** ta nifiká abo tin e kapasidat pa hasi **Orashon** na **Dios Tata**.

**Obediensa** ta nifiká abo mester bira manera un mucha, abo mester **Arepentí i Kambia** abo su **pensamentu**, laga kos **bieu** bai i bira **Nobo** manera un mucha ku tin **Konfiansa**, ta **Humilde** i ta **Pordoná** den tur kos, pa abo por drenta **Reino di Shelu Selestial**, ku ta **Eternidat**. (**Mateo 18:3**).

**Relashon** ta nifiká abo kier **kiuda** (**Deuteronomio 6:6-7**), abo kier **protega** (**Éksodo 6:6-8**), abo kier ta **serka** (**Yeremías 31:31-34**) di e persona aki. Meskos **Dios Tata** ta **Anhelá** abo **Kambia** i tin un **Relashon Intimo** ku **E**.

**Orashon** ta nifiká ku abo tin ku **papia** ku **Dios Tata**. **Orashon** den **Hebreo** ta nifiká entre otro; **papia, roga, yora, sklama, supliká, grita, intervení, meditá i proklamá**. **Orashon** ta hasi ku abo por **Kambia** i **Pordoná**. Un **Soldát di Orashon** ta hasi **Orashon** hinter dia pasobra no ta kontra **karni** e ta **Lucha** pero kontra **Forsanan Spiritual** (**Efesianan 6:12**). Un **Soldát di Orashon** tin e **Siguransa** ku **Orashon** ta sali for di **Boka di Dios** i ku e **Orashon** lo no bolbe **bashí** serka **Dios**, **sin Kumpli** ku loke **Dios ta Deseá**, i **sin Alkansá** e **Propósito** ku kual **Dios** a manda e **Orashon**. (**Isaías 55:11**).

19 desèmber 2021

Sea Bendishoná ku e **Amor di Dios Tata; Yeshua Mesias**  
Un Fiel Sirbidó di **Dios**,  
Remsly L Riley.